



UNIVERSITÄTS-  
BIBLIOTHEK  
PADERBORN

## **Sancti Gregorii Papæ Primi Cognomento Magni Opera**

In Tres Tomos Distributa. Ex quamplurimis MSS. Codicibus emendata ;  
Additæ Sunt Quædam Notæ in Dialogos & Epistolas ejusdem S. Gregorii

**Gregor <I., Papst>**

**Lutetia Parisiorum, 1675**

FF. Peres Collado Hispalensis R. P. F. Angelo Rocchæ Camerti Apostoli  
Sacrarum Præfecto S.

---

[urn:nbn:de:hbz:466:1-74915](https://nbn-resolving.org/urn:nbn:de:hbz:466:1-74915)

spondere non possem, benevolus mihi pater Nicolaus la-  
tentem adversarium post cortinam, quæ tunc meum lectu-  
lum circumdabat, digito manifestans, quia, inquit hic invi-  
dus lucernæ ipsius flammam quantum in se fuit, extinxit.  
Mox Gregorius manum diaconi quia magnam facem te-  
nere videbatur arripens, ejusque flammis os faciemque pe-  
tulantis exurens, adinstar Æthiops denigravit. Qua ex  
ustione ab ore petulantis parvissima scintilla descendens,  
cadentem tunicam dicto citius conflagravit: sicque niger-  
rimus totus apparuit. Cumque diaconus diceret satis adver-  
sarium denigratum, beatus Gregorius: Nos ait, illum non  
denigravimus, sed nigrum fuisse monstravimus. Deinde  
infortunium meum diversis consolationibus exhortatus ab-

A scellit: & facem quidem secum detulit, sed tanto lumi-  
locum, in quo dormiebam, revera fulgentem dimisit, ut  
expergefactus pueros ante me dormientes crebrius incla-  
marem: nec ante quidquam sub gravi sopore quoquo mo-  
do responderent, aut surgere potuissent, quam relicta lu-  
cis copia, paulatim se subtrahens, penitus effluxisset. At de  
his Deus viderit: ego tamen divinæ spei fiducia roboratus,  
quia Gaudericus Episcopus Vcliterus exoptulat, ad Cle-  
mentem Romanæ sedis antistitem, suffragante Domino  
stilum convertam: quatenus qui continuis infortunis re-  
nuatus, amicis meis, à quibus utcumque sustentor, meri-  
tùm rependere nequeo, saltem verba, quæ valeo, minime  
denegasse cognoscat.

*Finis Vita sancti Gregorij Papæ, per Ioannem Diaconum.*



FF. PERES COLLADO HISPALENSIS

R. P. F. ANGELO ROCCHÆ CAMERTI APOSTOLI

SACRARIÏ PRÆFECTO S.



QVEM AD MODUM muneris ostensi editionem populus flagitare  
olim solebat; sic promissum opus, & ab auctore ipso propositum,  
quasi à munerario eruditi solent exposcere. Et merito quidem. Quod  
enim olim in munerum editione libelli præstare solebant, id in edi-  
tione alicujus libri crebræ ipsius Auctoris promissiones præstant:  
nam frequentes de hac re habiti sermones & sæpe sæpius data fides, videntur  
excitare desiderium eorum, qui hisce interfuerunt promissis. Sapientia pauca.  
Scholia in Sacramentarium beati Gregorij à te conscripta, coram sæpe conquestus  
sum, cur in angulo lateant, & lucem jam non aspexerint. Sed frustra de hac re  
verba facio, cum videaris ea nonnum velle reservare in annum, & tincis & blattis  
depascenda tradere. Quid in hæc cogitem? Hac tua cunctatione refers mihi  
illum Callipedem, de quo M. Cicero aiebat: *Biennium præterit, cum ille Callipedes  
assiduo cursu cubitum nullum processerit.* Quid Callipedi similis? Biennium jam  
præterit, tertius jam agitur annus, & promissa Scholia haud scio cui bono ne-  
gentur. Inter eruditos viros eidem culpæ affinis judicatur, qui æs alienum con-  
tractum non dissolvit, & qui datam fidem frangit, & promissa in hoc genere  
non implet. Cave itaque, ne litterati diem tibi dicant, & te in hominum eru-  
ditorum judicium ducant; & si velis dicere te promissi violati non esse reum,  
verbis extremis Præfationis Tomi V. operum beati Gregorij, quasi chirographo  
convincaris. Quando igitur Scholia sunt jam à te limata, ne diem ex die ducas,  
& nos inanibus promissis amplius deludas; sed si bonum nomen vis existimari,  
solutionis tarditatem auctario aliquo compensa; & qui Scholia tantum pollicitus  
fueras typis mandare, illa, quæ meditatus fueras ad beati Gregorij, ejusque pa-  
rentum Imagines, necnon ad ejusdem Sancti vitam accuratè intelligendam, quasi  
cumulum adde; ut, si qua per tuam istam cunctationem in te mai nominis ma-  
lacula insedit, & per hosce annos inveteravit, hoc auctario deleri possit. Vale,  
eruditissime vir, & in dies majora, & tuis exantlatis laboribus, & tuo ingenio  
digna, in lucem ede. Romæ Kalendis Maij M. D. XVII.

INDEX